

Lì bouïrgo

ou La Veillée au mayen

I

Èn weyazèn chou chün tsevà,
Oüonna rèinna chavék filà;
Bèrta yèth oun non onorà,
Bèl egzèmplo dóou bon travà.

No filèin, no filèin,
Pò méijòn, no travalyèin.

Lo nourrìn kajunèin,
Dè lasé vo j-èn portèin.

II

Kan no chèin chouk pè lò mayèin
E kè defoùra fé krué tèin,
Atò lo bouïrg(o) è la tsansòn,
Lì tèin d'ivé chèimble pà lòn.

No filèin, tsóousonèin,
Noùthro moundo vethichèin.

Èn la zóou travalyèin,
Noùtro j-éthro mantinyèin.

III

Kan lì vijina l'a sinà,
Avoué chè filye lì vìn bà;
Ooutòr dóou fouà no no metèin
È tóte ensèimblo no tsantèin.

No filèin, no kojèin
Noùthro j-ómo remindèiin.

Pè byó zò, pè krué tèin
Dè zèn j-éthro batichèin.

IV

Tot èn filèn, no kotherzèin,
Mà jyamì nyoùn no mefrijèin.
Y è dè madir(e) oun krué mïchyè
Kì fé lo dra pout è grochyè.

No filèin, ourdichèin
Lè linsuèss dóou tsatèin.

No cheyèin, no menèin
èn grànzi noùthru bon fèin.

V

Winjèin dè bouïrro noùthri bouïrgo
Pò k'èn virèn rinkigche pà;
Metèin léi d'ólyo dè dousóou
Kì fé la jyué dè tò travà.

No filèin, dewizèin,
Tò dè nou no j-abilyèin.

Zèn krotsèss, motchyorèss,
Chèin no kì lè j-atsetèin.

Choeur final

Tuis ensèimblo no tsantèin
Byèin d'akò no no j-éizèin
Lì travà è l'unyòn
Warderèn noùthra meijòn
Warderèn noùthra meijòn
Noùthra meijòn.

Texte: Antoine Maistre

Musique: Abbé G. Crettol